



REPUBLIKA E SHQIPËRISË
AGJENCIA E PROKURIMIT PUBLIK

Nr. 9238/Prot.

Tiranë, më 04.08. 2015

Lënda: Kthim përgjigje

Drejtuar: Qendrës "Res Publica"

Në vëmendje të: Z. Dorian Matlija
Drejtor Ekzekutiv

I nderuar Z. Matlija,

Agjencia e Prokurimit Publik (këtu e në vijim "APP") mori në shqyrtim shkresën tuaj Nr. 145/15 Prot., datë 31.07.2015, me të cilën kërkonti t'ju vihet në dispozicion informacioni dhe dokumentacioni i mëposhtëm:

1. Sa është numri i subjekteve të kontraktuara dhe vlera e objektit të secilës kontratë për prodhimin, transmetimin e spoteve publicitare, reklamave si dhe njoftimeve të botuara në shtypin e shkruar nga Kryeministria për periudhën 01.09.2013-01.03.2015.
2. Kopje të Urdhrit/ave të prokurimit për prodhimin dhe transmetimin e spoteve televizive, reklamave si dhe njoftimeve të botuara në shtypin e shkruar nga Kryeministria.
3. Kopje të ftesës për negociatat që i është bërë subjekteve dhe listën e mediave që i është dërguar ftesa.
4. Kopje të urdhrin për ngritjen e Komisioneve për ndjekjen e procedurave për prodhimin/transmetimin dhe blerjeve të spoteve publicitare, nëse ky Komision nuk është ngritur me Urdhrin e prokurimit.
5. Cili është linku ku është publikuar ftesa për ofertë?
6. Kopje të procesverbalit të vlerësimit me pikë të operatorëve pjesëmarrës.
7. Kopje të Raportit të Komisionit mbi procedurën e ndjekur, drejtuar titullarit.
8. Kopje të vendimit të titullarit për lidhjen e kontratës (nëse ka).
9. Kopje të kontratës së lidhur për prodhimin dhe transmetimin e spoteve publicitare dhe njoftimeve/reklamave të botuara në shtypin e shkruar.

Lidhur me sa kërkonti në shkresën tuaj, ju sqarojmë si më poshtë vijon:

Neni 4 i ligjit Nr. 9643, datë 20.11.2006 "Për prokurimin publik", i ndryshuar (këtu e në vijim "LPP" parashikon shprehimisht se: *"Ky ligj zbatohet për të gjitha procedurat e prokurimit publik, me përjashtim të rasteve të parashikuara në nenet 5, 6, 7, 8 e 9 të këtij ligji."*

Në nenin 7 pika b, të LPP parashikohet se: *"Ky ligj nuk zbatohet në kontratat e shërbimit publik për blerjen, zhvillimin, prodhimin, bashkëprodhimin e programeve ose të reklamave për transmetimin nga operatorët radiotelevizivë ose botimin në median e shkruar dhe për kontratat për kohë transmetimi"*.

Në bazë të parashikimeve ligjore të sipërcituara, kontratat e shërbimit publik me objekt **"Prodhimi, transmetimi i spoteve publicitare, reklamave si dhe njoftimet e botuara në shtypin e shkruar"**, nuk i nënshtrohen dispozitave ligjore të prokurimit publik.

Gjithashtu, sjellim në vëmendjen tuaj se, APP i ushtron detyrat e saj në bazë të nenit 13 të LPP dhe është përgjegjëse vetëm për mbarrëvajtjen e sistemit të prokurimit publik në përgjithësi.

Sa më sipër, dokumentacioni i kërkuar prej jush, nuk disponohet nga APP, por vetëm nga institucioni përgjegjës, i cili ka realizuar kontratat e shërbimit publik për objektin në fjalë.

Duke ju falenderuar për bashkëpunimin,

DREJTOR I PËRGJITHSHËM

Eduard Ahmeti

The image shows a handwritten signature in blue ink that reads "Eduard Ahmeti". To the right of the signature is a circular official stamp. The stamp contains the text "REPUBLIKA E SHQIPËRIE", "AGJENCIA E PROKURIMIT PUBLIK", and "TIRANË". In the center of the stamp is the coat of arms of Albania. The date "15" is also visible within the stamp.